

Абаза саби журнал

№ 3 (5)
Асквш 2018,
октябрь а 29.

ШЫИАЧІВА



Клара Клабазан



Сасбзибара

Абазаква апхъанчлви заман йглашларывта йынкъвыргауа ацласква йрыуапI асасбзибара. Ауи ащхъа уаглахъаква зымгIва йырцIаспI. АщхъагIвчварыхъаз асас – анчва йырзыгIайщтийыз дгIвычIвгIвыспI. Ауи закIылагIы дырпщыламызтынги, дрымдырдзузтынги чIахI йзырбауа днардасуан. Уыста дрызгIазгыз йара йымхIвузтын дара гъазымцIгIузтI. Зъара мшы дсасуаш йазцIгIарныс пхашчарадзата йырпхъадзун.

Апхъазаман рыцIа йазаъата йбзауз ауагIа рыпщцIа апны асас йзалхта тыдз кIыда дыргылуан, ауи «сасырта» йа «хIацIащ»-хIва йапхъун. РыцIа йкъвльейсызквас асас ртдзы апны пещкI йзалырхуан. БайагIы рыцIагIы йгIарыднагалыз асас рпны дъадзану закIгIы дшазыбжамызлуш, йшичIархIуаш, шварагIваракIгIы шгIайыдымсылуаш йащтан.

Асас аунагIва йрымдыруата дгIайырквын йтшы атшхъапара йыдихIвалуан, асасырта днашылуанта тшанйыргIалуан. Ауаъа ауи йтахъхуш зымгIва йанакIвызлакIгIы йхIазырын: чвартагъвы, айшва, лъагъан, къвыбгIан дзы тата, шларыцкъага.

АтгIачва сас дшрызгIайуаш рдырузтын ауи йпыралуан, айцIбачва асас атшы дгIакIнырдун, йтшы дара ахьпшуан. АхIба асас асасыртала дирайгвун.

Асас платIу зкву заджв йакIвызтын агвлачвагIы гIазыррдунта чаражвра хъыртIуан, йыла дырпшуан.

УахьчIвагIы абазаква асасбзибара ацласква гъдымрыдзетI. Ргвашв йагIвслакIгIы – «УгIайгва!» – хIва ддрайгвитI. РунагIва йнашылыз асас ддырчитI-ддырживитI, йайгвгIвитI.

КIавкIаз йгIайуа зымгIвагIы араъа йбзауа ауагIа рсасбзибара гъырзыджъащум.

Рири бызшвала йапхыит

Абазаква йрыуата йгьмачгвым да-тша кытквакI йыртанагата йапшым ауаглахъаква йрылата йбзазауа. Ауаса ауат ауаъагьи йшабазу гьырхъаштылуам, амаль шрауа апшта рыбызшвархчитI, йддырдыритI.

Эркин-ШахIар апхъарта апны абазабызшвала сквшы 20 айхIа цитIта йадрьпхыитI. УахъчIвала араъа абазата 17-гIв апхыитI. СынчIва апхъарта йыцIалгIвацаз Джьмакъвыл Амра (асурат дгIанарбитI) лкласс ларазаджвыкIлакIвпI абазата йрылу. Ауаса ауыгьи лани лаби ахIван абазабызшвала дадрьпхыитI.

Абазабызшвала арыпхъара сынчIва йджвыквырцIатI Адыгъа-ХIабля апычIв апхъарта апынгьи. Ауаъагьи абазасабита 17-гIв рыбызшва ддырдырныс ртахъыта рхIван апхъарасахIатква рзадыргалтI.



Апсабара бзи йырбитI

Щарда мцIуата Гвым аспорт атдзы апшцIа апны цIла ларцIун. Ари ауыс йгIалалатI акыт асабигIзарта йцауа ахвыцквaгьи. Ауат рпщырхIачкIвынква, рбельхвыцквa, ртарнауычквa рымата йгIайын ацIлаквa нышв рыцIарпсун, дзы рыцIарчвун, йрылшузла рахIбачва йырцъхърагIун.



Ажва гьалам арат асабиква ргIапсара злу ацIлаквa йшрызсакъуаш, даргьи апсабара бзи йырбауа йшгIадзынгылуаш.

ХIара хIнсадгьыл Абазашта



Гвымлокт

Гвымлокт абаза кыт ахIбаква йрыуапI. Щарда мцIуата акыт апны ауи асквш 280 дыртлапIатI.

АхIбачва йшырхIвузла, ахIчва ЛоургIа руагIа рыцта асквш 1738 аглан ащхъа ухъыста йчIву ПсхIвы кыт йгIатыцIын Георгиевск къала аргванква рпны кытта йгIачIватI. УахъчIва акыт ъачIву апны апхъапхъа ТрамргIа гIайтI. Ауат ужвы акыт алагъь гIына апны тшандыр-гIалтI. Ужвы йъагIадзазгьи агвымква алагъькыт Трамкт-хIва йапхъауар-кIвитI. КIавкIаз айсра анакIвшуз арыла йгIатхъара атахъхатI ЛоургIи Джъанте-мырргIи ркытквагьи. Йшцазла, араъа хабаза кыткI чIван. Асквш 1880-ква раглан ауат Гвымлокт ахъызта кыткIта тшадыркIылтI.

ХIышта апны Совет власть анщакв-гыл ахIква ртдзахъызква нкъвызгуз акытква рыхъызква рпсахуа йалагатI. Аобласть амарагIайырта гIынала йа-ныргIалыз Гвымлоктгьи асквш 1925 аглан КрасновостокхатI. Асквш 2004 аглан ауи ахъыз гIважвакIта йырчпахын Красный Востокта йщаквдыргылтI.

Агвымква хъацIарала рыхъыз дыр-гатI. Ауат айсыгIв щардагIв гIарылцIтI. Швъала йгIадырцIабыргхъата йшыгI-дыруала апаштахI йыр йрылата йайсыз

агвымква рпхъадзара 40 аъара йна-дзитI. Ауат йрыуата 26-гIв афицарын. ЙгIалукIгIушта йаъапI полковник чын йазынадзаз Лъий ШахIымгъари, Геор-гий йджъуар апщстепенкIгьи злаз ами-лиция аюнкер Хъабльахъ Джъамальби.

Абашта айсра Ду аглан агъа йпшIа-гылтI гвымхъачвата 514-гIв. Ауат йры-уата 285-гIвы хI-Псадгьыл рхчауата рхъа щIарцIатI, 70-гIвы йапшым артш-хъвагаква гIарквнадыргатI. ХIхъа рыла-духитI Артшхъвара аорден ахстепенкI-гьи змаз Бежан Къарим, Ленин йорден гIазынхаз Аджьбакъ Тама, Абаракъ къапщ аорден гIазыртыз ХвытI Мадзи-на.

ЙрыладухитI агвымква мамыр нха-рала акыт ахъыз хъара йзыргазгьи. Рыхъызква хIхIвапI «Ставропольская» уаса тлапкъ ъагIалырдаз «Совруно» млыкврхIарта йаунашвачпагIвыз, Ста-лин йахча согIи Ленин йордени гIаз-квнадыргаз ХIапIатI ЧухIайыб; акыт млыкврхIара анхагIвчва къайматква, Ленин йорден гIатызгаз Хъакъвыпщ КIвнаци Анхара абаракъ къапщ йгьи ЧIахIра знак орденква злаз Огвыз Та-мари; ахIаракъатчпагIв Чагва Мамруз, хIапхъахъа бергъыльква Кълыч Рауф, Кълыч Мурат, ХIвран ШахIвалыи, ХIвран ШахIымби, ХIапIатI Руслан, ХIапIатI Бо-рис, Хъабльахъ Иналь, Батал Къасей, арыпхъагIвчва Гап Муридин, Шармат

Къациф, Гап Музальи, Огвыз Данил, Джьмакъвыл Мухламад, Шоу Хладжъ-муса, Эгъзакъ Мухламад, Хъабляхъ Аскъар, агвгвчва Тхайцыхв Бемырза, Чвзыкья Шахымби, артист, аеспублика аурыв театр йаунашвачпагвиз Кълыч Къанокъва, асуратчпагвчва Мартаза Нуральи, Бзасажв Марат, амакъымршыагв Шармат Мухларби.

Уахчывагьи йгьмачгвым аугла зыхъыз пшдзала йырхывауа агвым-ква. Йглашыхпхъадзап аут рыуа зджъаклы рыхъызква. Россияла гатгара зму акыт млыкврхлара анхагвы Пат Валентина, Ставрополь край а-Дума адепутат, ахларакъатчпагв Арглашокъва Валентин, апхъахъа, ахларакъатчпагв, Адуней апсуа-абаза конгресс аунашвачпагв Эгъзакъ Мусса, агенералква Огвыз Мухламади Хъакъвыпщ Индраили, апхъахъаква Аджъбакъ Къарабит, Лоу Иналь, Хвыт Владимир, Огвыз Виталий, ажурналист Аджъбакъ Хладжъисмель, артистка Мартаза Дмитрийи Кврацын Алибеки, аспортсменква Мартаза Ренат, Огвыз Альберт датшагьи цардагвы.

Уахчыва Гвым апны жвыгвауглахъак



Айсыгв фыр Бежан Къарим

йгларылцыз ткъвым 114 бзазит. Аут ргвыргъарагьи ргвасрагьи ацнарда-сит, йацацхърагит, ррызкъы агвыр-шит.

Хызту азаман Гвым апны псахра царда ншит. Араъа нарзан ъаглаццуга апны парк руывхат, аспорт атдзы дыргылт, амгваква дырчладжът, акыт псабара газ азгаргт, адзцагаква рпсахт. Абараса тшауацнахит, рыца-рыца йпшдзахит Гвымлокт!



Гвым асквш 280 андыртлапуз хъатакля йггланымхат ауй абзазагвчва хвыцквэгьи.

Асквш агламтаква

Асквш пщгламтакта йшапI: гъны, глапны, пхны, дзны. Памтипхъадза хымызкI йнайитI.

Ужвы дзныпI. АуысагIвчва ауи «гламта хъапщ» – хIва йапхъитI – ацIлаква рбыгъква анIвахуа хъапщ чва ъагIархъалуа ахъазла.


Саргъи адзын ари апш уысакI азызыгIвтI:

*ДхIызпшитI агъныла Ахъта дада.
Агъны турыхквэгъи глайззитI.*

Аглапын анIлаталра апсабара глашыхахитI.

Глапны

*ХIджъанат цIисква глахъынхIвыхитI,
Къахета рымш йырхIвитI урад.*



Дзны

*Апхъарта хIызшIнатитI адзынхъа.
Абнаква йыршвырцIитI*

челвыча гъра.

Адзын йацIагIгахитI

хIауатра бажквa.

Адзын хъапщ апшдзара

алапI хIашва.

Адзын йацтаглайитI агъны. Адуней асы йанхънагIвара агламтагъи йара апшдзара амапI.

*АцIашквa, асква ратыхитI,
Амш аухитI, йгIацIситI ахIвa.*

*Ауаса асабиква зымгIва рацкIыс бзи
йырбауа апхын акIвпI.*

Пхны

*Апхынла марапI хIдуней,
ХIварапшдзала йхърыспI ауи.
Жвумп, хырбыз – гъихIвум ацIей –
АцIлашвырквала днахъитI.*

ГвымжъачIва Файа.

Гъны

*Агъныла шкIвокIвапI апсабара.
ЙшвитI адзыгIвквa, сы гIаситI.*

*АпхъагIвчва хвыцквa, швара асквш
агламтаква йгIарыцIаркIуа амызквa
рыхъызквa жедырума? ЙшвхIвастI.*

Амчыбыж бжымшкы йнадзит!

Чквала Георгий

Хъаргачива лымшквa



Швахъа

Сгъызгламшыхаті ашвахъа,
Апхъартагъи сглахъшвахъаті:
Мама луысква анылха
АквпІ сангалкъъа ачва пха.

Гваша

Амара гъгламгылті агваша.
Ащымта йхъващыз саргвaщаті:
Сычван йдзысщауа йымшаста
Асахлатквaгъи глaшлaста.

Хаша

Йсзымчлахауа сазпшуан ахаша –
Мама йгалгуаштіта лынхаша
Аткванду сара слырцушті,
Сызлалыхвалакгъи лхвглушті.

Пщаша

Апхъарта сгъымцаті апщаша –
Сычва танархаті ахаша:
Мама йсзылхвглаквaз сырпшуамца
Сгъщтлaмылхті са
цыхквта надзандзкъа.

Хваша

Мама гъахвтан шыц лдзахуаштіта
МамадургІа хіцушті ахваша.
Бзи йызбиті сасра сцарныс,
Мамадугъи дызбарныс.

Сабша

СайгвыргъытІ сара асабша!
СычвтІ щыбжъандза
амшквa рапшта.
Мамагъи анхарта дгъцумта
Са сылрыкачкиті мимунта.

Мтшаша

Мтшашахазтын хІа хІшглагылуа
Хіджвыквлиті глaдара щaпІыла.
ХІныкъвиті, тшыхІпциті,
хІыла пшиті.
Амш йхІымдырдзакІва йалгиті.

Къахвта йцаті бжымшкы араса.
Бзийын суысква са, ауаса
Йглайуаш амчыбыж сачвшвиті –
Апхъарта сглазхъшваз глaшвшвиті.

Ахвыцквa швырзапхьa

Шхай Катѳа

Мама слапшхуштѳ сара


Схъыччитѳ мама лапшта,
Мама лапш самхѳвитѳ.
Счважвитѳ мама лапшта,
Мама лапш сдзыргѳвитѳ.
Мама лапшта цкъата
Счварта алсыргитѳ.
Мама лапшта пшдзата
Сыбра аласпитѳ.
Йсырчитѳ-йызгѳвычитѳ,
Сыкъанджъква сырхъпшитѳ.
Йщтѳасцѳитѳ-йсрычвитѳ,
Рчгѳвыча хвыцквa зджвджвитѳ.
Мама лапшта пхата
Рхъачкѳвынквaгъи сцщитѳ,
Мама лапш хъагѳлата
Рыхъызквaгъи схѳвитѳ.



Мама лапшта сгылитѳ,
Мама лапшта сѳвитѳ.
Мама лхѳва гвынскѳылитѳ,
Мама лхѳва хъасцѳитѳ.
Сдухуштѳ мама лапшта,
Сцкъазлуштѳ мама лапш.
Сбзихуштѳ мама лапшта,
Мама слапшхуштѳ са!


Къазчыр

Хѳкъаз йгѳлалнадаз ачырчкѳвын
Пычѳвта адуней абатѳ.
Йнапшыгѳлапштѳ алачѳыхвчкѳвын –
Адуней шпшдзадзаз абатѳ.
Ахѳвра шыц афгѳвы гѳлахѳлатѳ,
Акъазчыр йджъанащатѳ.
Апыкв чѳврычкѳвын щтѳланацѳлатѳ,
Йгѳлахѳтѳ ахѳврац , йгѳлахѳначѳватѳ.
Йбыртын щтахѳхла йарчѳватѳ.
Йшчѳваз абгъыц лбгѳланагатѳ,
Йылбгѳланагазгъи агвапхатѳ.
Акъаз гвылагъи йахѳватѳ:
– Йзачѳвпшдзадзайа адуней!



Йзачѳвхъгѳладзайа ахѳвра!
Са йсчѳвыпѳ ари асатей,
Са йсчѳвыпѳ ари ахѳвра!

Ахвыцквa швырзапхьa



Мара хвыц

АпхIвыспа хвыц дглашыхан,
Дгвыргъауа дглащIчIвIтI,
ЛнапычкIвынквa лырхахан
Мара хвыцкI гIалкIтI.
Ажъa ллакта йталитI,
Лыла гIанахвитI.
Ажъa ллымхIа йталитI,
Лыхъвда гIанаблитI.
Лина хвыц дымцIаситI,
Лхъыза ахъалырпитI.
Ажъa маджъан чвкваситI,
ЙлыцыгIвзын йгIамдитI.
АчIвыцIа йыдпалитI,
АхIакв йхъапалитI,
АчIвыла йбгъапитI.
ТшгIалнарбитIта йыдзхитI,
йлыцхъвмаритI,
Лина лгвы акъвпитI:

– Мама, бгIай ласылас,
АжъачкIвын гIакIы.
ЙгIаг, гIакIвы тшгIарылас,
ЙызтахIырчIвуш закIы!
Мама лкIлат налахвын
Лина лпны днадзитI.
АбIын нанаухвын
Амара качкIтI.
Ани пхIи гIагIвыцIкъан
АкIкIара хвыц гIаркIтI.
Ажъa къвыш рнапыцIкъан.
Лина лгвы цIылкIгитI.
Абауаса йлыцхъвмаритI
Ажъa ансимшгIы.
ДгIанажъумца йлыцкачкIтI,
ТшгIгIалнаркIуам зынгIы.
Амара, уынкъвыкъъара
МачIдзакI йашIарыс,
Лина дангIашIыхара,
Ажъa гIакIв дахърыс.

Асуратквa Батал Артур йгIемытI.

Ахвыцквa швырзапхьa

Апса Фатимат

Счваццлахвыц


Счваццлахвыц – са бзи йызбауа –
Схъышв йглакылпшуа йдзыргъуа,
Асурат ажвала йзгъуаштӀ,
Сгвы йглатысхуаштӀта гуашь
АхъабачкӀвынгы сшвуаштӀ.

Счваццлахвыц – са бзи йызбауа –
Шваргы швглайуаштӀта
швапшуаштӀ.

Ари абгъыцкӀвынквa йачвапӀ,
Йазна-йазна чӀва ашӀапӀ.

АчӀва дзамгӀваквa гъажьыпӀ,
АчӀва дзамгӀваквa къапщыпӀ.
АцӀла ацӀлахь хӀгӀалачӀвапӀ –
Швглай, йхӀфапӀ йауыз ачӀва!

АчӀвакӀдзыра хъагӀадзапӀ
Асабапрагы дудздзапӀ!



СчырпӀичкӀвын

Мама йсзылхегӀаз ачырпӀи
СтачехӀвумца йсырчытӀ зынла.
Стопхвыц апштагы йымплитӀ,
ЙцитӀ йхъапалуа, йпссгӀауа.

Эй, угӀашӀас, сара счырпӀи!
АжегӀванд уалалчватӀ хъара!
Уа уыгъцӀисым – учырпӀипӀ!
УгӀайх упссгӀазтын уызхъара!

Са счырпӀичкӀвын
йыгъдзыргъуам,
АцӀисквa йрылата йпссгӀитӀ.
Сажваквaгы гъагъынгъуам,
ЙцӀисдзахазшвагы йабитӀ.

Ахвыцквa швырзанхвa

Гвымжвачлвa Файa

Йараджыб хвыци акъауи



Ажьора апны
Дыла ахлвра пшка
Дхъвмаритл асаби
Хъвмаргала дквырша.
Йгачвиппуа ахлвра
Йтайгвитл йджып,
Йыкльагы йжвагватл...
Кльауа удзыщва мгвычкк
Йгаквпссган ахлврахъа
Хвырчхлва хъакла йцыжвхтл.
Акльауа мгвычв глпкитл

Ахлвра хъыккквa рпны.
Дамцласныс дазцитл
Ачкльынхвыц ауи.
Зны йчвыдздзитл йара,
Йгъалибггум ахлвра,
Зны йганшахпл зджьара
Цлаглвдза ащапквa.
Акльауа хъатайклын
Дащтапл Йараджыб.
Амгва цланаклытл
Йтлатлу йхъыччабжы.

Цлса

Цлса-цлса хъапахчлщ,
Цлса-цлса, ей, маджъан.
Уа уабаъаз хъвлагландзакл?
Цлса-цлса, хлаблъакъан.
«Мйау-мйау, хлвынап склуан».
«Зъара укыйа, щта, йгласахлвстл».
«Мурр-мурр, закл шгласклуаз
Йснапыцыгвзын тшарбзахтл».



АзврыхвачкІвынква



Апхынзгы йапхватІ

Сквшигладза Черкесск йтагылу Никулин Сергей йыхъыз нкъвызгауа ареспублика саби библиотека апны литературала анкъвакъвра акІвшитІ. Псыжв кыт йапхъахауа агимназия апхъагІвчва ауи сквшыкІгъи хъдымрыпауа йалалитІ. Абар, сынчІвагъи ауат ауаъапны дырра бзи шрыму гІадырбатІ. Асабиква апхын ауацІа апхъара программала йызхъысуаш алитература гІвыраква йрыпхъатІ. Ауи абзирала ауат анкъвакъвра апны йгІарыздыргылыз ахачІвква дахІврала йдырхъятІ.

АхачІвква гъапшымызтІ йгъи йгъмайрамызтІ. АчкІвынчви ахІвсси йызпхъаз

агІвыраква рзальхуа, сурат рзырчпауа, азцІгІараква йнардзата джъауап рызрытуа йынхара атахъын. Рхъвыхга тест йгІакІылсуан, ребус, кроссворд гІардыруан.

Гврыхвата, гвыбзыгъата тшгІадырбатІ йхпахауа акласс апхъагІвчва Гвагв Амин, Гвагв Сабина, Къвныжв Милана, йпщбахауа акласс апхъагІвчва АгІвдза Милана, Джыр Радмир, Нурли Аделина, КІвадза Дарина. Ауат асогІакви артшхъвагакви гІатыргатІ.

**Булат Аминат,
Псыжв кыт йапхъахауа апхъарта
апычІв классква рарыпхъагІв.**

Мачкі хіхъыччані

Хіачвыкъва Аминат

<<Хъзыда уаківпи!>>

Мурат хвыц йысквшквала йквнау-мыргушта джъауапчыкі йаківпі.

Мшкы заджвы ауи телефон дйыз-гасті.

– Дзачвыйа ауи? – йхіваті Мурат ателефон шглацтіхуаз.

– Сара саківпі, – йхіваті ауахъауыла йгачважвузгы.

– Уара узачвуда? Угыгыздырхуам.

Ауахъауыгы уагвырсызкі йаківта глациуашын:

– Телфон йуызнасуа саківпі, – йхіваті.

– А-а, йуымхівахума! Хъзыда уаків-пі! – дгвыргъа тшичпан Мурат хвыц-гы ателефон ашірышвхті.



<<Сботаква срызсакъуашті!>>

Мурат хвыц бота шыц йзырхвглаті.

– Ма бота шыц. Йшпшдзу убума? Хіайда, ква ангаквауа угвы чівандзы-къа ахівра бгладза апны унагівглатів, адзырква уыртапа, утхаджъ! – лхіван ауи йымма ащапхъацла шыцква йзылрауті.

– Йауа абота шыцква аква йзасыр-рбглауа, са ауат срызсакъуа йынкъвыз-гшті! – йджъауапхаті асаби.

Амшв, аквиджьма, абага



Зны мшвык, квиджьмак, багак йангалын шварацра йацджвыквылт. Ауат шварацуамца щарда гламырдат, йцыхъвахуз бначвыцлак апны шварах хивы псык гларауат.

– Аквиджьма, уара щарда убахъат, – ахиват амшв аквиджьма тшазынанархауа, – ари хыхыгв йхизыша!

Аквиджьма алаган ашварах хивы хпата йашат: ахъа, ащапкв, ахъвади.

– Ари ахъа, – ахиват аквиджьма, – амшв, уахивапта, уара йухъвып; абага уайцлбапта, арат ащапкв уара йухъвып; ахъвадиги сара сквтантайпта, сара йсхъвып.

Араъа амшв тшланаргъвгъват, аквиджьма йашлатасын аща глшнаржыт.

Уацыхъван абага тшазынанархан – «Уара учквынызтхива угвыбзыгъап, йша!» – ахиват.

Абага алаган ашварах хивыс ххъвык-та йашат. Йацтаглайуата алакв ар-гвыргъауа йахиват:

– Ари ахъвык, амшв, уара йучлвып, щымта чара йуфап. Йгивбахуа ахъв-гы, амшв, уара йучлвып, ауи щыбжъан чара йуфап. Ари йхпахуагы, амшв, уара йучлвып, хъвлапын чара йуфап.

Ари амшв йанаба йглапшвырхъыччан абага йацллат:

– Ари апш шаца узырдырда?

– Аквиджьма апыкв йаквшваз аудын йыснардырт, – ахиват абага тшарры-цхлауа.

Мдырх швыцхърагла



Кытча хлашврыс


Апхъала хвыцгы дугы кытча йасуан.

Кытчасра глаларгара ахъазла «йжуан» – кытча рызтуаш дгла-лырхуан. Ауди шырчпуз араса аклвын: азаджв – «Заклы найитл» – йхлвунта «ажра» джвыкквицлун. Антахъгытгы – «Глвба найитл, хпа найитл, пщба найитл» – рхлвумца глважвадза тшыр-пхъадзун. Глважва зкшвуз йаклвын кытча рызтуаз. Ужвы йагладзазгы абазаква ражва йалапл «аглважва йыквшватл»-хлва.

«Кытча»-хлва йзапхъуэя ари ахъвмарра?

Кытча рызтуаз кыт бжбай-цлун: «Кытчакл швыститл та йглажвдыруазтын ари акытгы, ари акытгы, ари акытгы швыститл, йглашвымдыруазтын – ауат акытква ршарабзарагы са йсфатл, ртшбзикагы срыквчватл, ркъышвтхлвышвткагы швара йшвфатл», – йхлвун.

Арат хлыагла ршлалахлвара йглалху акытчаква глажвдыруазтын аганла «б» апны бна швыркл ахъыз гланышвхуаштл.



Аганла: 2. Аквтабырг сылагылапл, сылаква йгырбум, слымхлаква йгъраглум. 3. Лгладъа йблитл, нына дарамситл. 7. Щаплы гъацлам, ауаса йныкъвитл. 8. Хъвлагландзакл аджъа-гъашва глмнадитл, йанхъвлара ашвым-гыцлара йыцлагылхитл. 11. Сылаква анхъглу йызбитл, йанхъстлра йгызбахуам. 12. Аччора мгьалбжакл тапл. 13. Чуанчкывн – баста хъа-гла.

Йглабгъалквауа: 1. Уапшырквын – глвы-гапл, уаздырглврыквын – дагвлл. 3. Тшынла йтшыжвлитл, уахъынла йтшыжвцитл. 4. Зчва загъу цыхъвачлвры. 5. Адзы йгланаритл, амара йаглзатл, ан абарыквын йпситл. 6. Аргван арыхъаритл, ахъара араргванитл. 9. Ахл йца жыла йырчвыпл. 10. Мачва шыц – цлгла клынхлара. 11. Нырчви гларчви глвлакл абафитл. 12. Ачв къапщ ъачлваз хлвра гъглайыхуам.

